

فيديو #٣٦ من مقاطع حظر التجول | تدبر سورة طه #٥ | الآيات

٦٣-٤٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ثلاثة وستين. من مقاطع حظر التجول والمقطع الخامس من مقاطع تدبر سورة طه آآ احب افكر حضراتكم بالمصاحف. بسرعة اللي ما عهوش مصحف يجيب مصحف - [00:00:00](#)

امبارح اه تدبرنا ايات سيدنا موسى طلب فيها من ربنا اسباب مادية ونفسية تجعله قادر على القيام بالمهمة فدائية التي كلف بها وهي مواجهة فرعون وهو اكبر طاغية في الارض وحاكم اقوى واغنى دولة في هذا الوقت - [00:00:21](#)

طلب منه اقروا معي آآ من اول الاية خمسة وعشرين نفتح سورة طه من اول الاية خمسة وعشرين قال رب اعوذ بالله السميع العليم من الشيطان الرجيم. قال رب اشرح لي صدري. ويسر لي امري. واحلل عقدة - [00:00:47](#)

من لساني يفقه قولي واجعل لي وزيرا من اهلي هارون اخي. اشدد به ازري واشركه في امري فجاءه الرد على هذه الطلبات في الاية ستة وثلاثين. انا بفكركم باللي قلناه قبل كده - [00:01:04](#)

قال قد اوتيت سؤلك يا موسى. طلباتك اجيببت خلاص مش ستؤتى سؤلك يا موسى لا اجيببت خلاص يعني اعتبرها تمت. قال قد اوتيت سؤلك يا موسى وبعدين هو انت اصلا طلبت ايه غير الرعاية الالهية اللي هي معك طول عمرك من وانت صغير من وانت اول ما اتولدت - [00:01:24](#)

انت طلبت رعاية الالهية حتى تنجو وحتى تنجح في مهمتك هو ده الوضع اصلا من زمان يا موسى. من يوم ما انت اتولدت وعناية ربنا بترعاك يقرأ معي الاية سبعة وثلاثين. ولقد منا عليك مرة اخرى - [00:01:54](#)

استجابة ربنا للطلبات الجديدة دي ده كده ربنا بيمن عليه مرة اخرى المرة الاولانية اذ اوحينا الى امك ما يوحى ربنا بيقول له انا اللي اوحيت لامك طبعا مسألة ان الله اوحى لام موسى بيدخلنا في مسألة - [00:02:10](#)

مسألة هل ام موسى نبية ام لا؟ جمهور العلماء على انه لا يوجد نبيات بين النساء بينما هناك علماء وفقهاء اخرين كبار ان هناك نبيات مثل السيدة مريم. فقد كلمتها الملائكة - [00:02:33](#)

واذ قالت الملائكة يا مريم ان الله اصطفاك وطهرتك واصطفاك على نساء العالمين. اذا ده وحي عن طريق الملائكة يا مريم قلت لربك واسجدي واركعي مع الراكعين. وده يجعل منها نبي اذ اذ تلقت الوحي الجليل - [00:02:53](#)

من الله الوحي الجلي يعني وحي عن طريق الملاك مش وحي الالهام. لان ربنا ممكن يلهم حيوانات. واوحى ربك الى النحل ان اتخذي من الجبال بيوتا. ولا وحي من ام وربنا ممكن يوحى الى كافر زي آآ المنام اللي جه للملك - [00:03:13](#)

في قصة يوسف انه رأى سبع بقرات سمان يأكلهن سبع حجاب ام موسى تلقت وحي ولم يقل لنا كيف تلقت الوحي. لذلك هي مختلف عليها مسألة انها نبيه ام لا - [00:03:33](#)

آآ يعني حتى من يرون ان من النساء نبيات مختلف على ام موسى ان هم مش قادرين يقولوا انها تلقت الوحي عن طريق الملك ويعتبروا ان وحي المنام ممكن يبجي لناس تانية. ولكن ولكن - [00:03:49](#)

ابن حزم لما اتكلم في المسألة دي قال طب ما هو سيدنا ابراهيم والانبياء بيتلقوا الوحي ايضا في المنام يذبح ابنه اسماعيل لما رأى ذلك في المنام لانه يعلم. خلوا بالكم بقى - [00:04:06](#)

ان مناماته وحي من الله ما فيش ام في الدنيا هتقوم تدبح ابنها لانها شافت نفسها بتعمل كده في المنام. الا اذا كانت تعلم ان مناماتها وحي من الله. لذلـك باءاء - [00:04:20](#)

تدل الشيخ او الامام آابن حزم الظاهري على نبوة ام موسى طبعاً في كلام في نبوة سيدات اخرى كتير زي مسلاً آالسيدة سارة والسيدة هاجر. السيدة سارة واضح جداً واحنا درسناها في - [00:04:36](#)

آاللي فاتت ان آالملائكة بشرتها باسحاق. فبشرناها باسحاق. عن طريق الملائكة. اذا الذين تلقت وحي جلية ايضاً اه في كلام في ام في آا في زوجة فرعون ايضاً - [00:04:53](#)

طيب عموماً انا يعني عشان خاطر نقطع الكلام في الموضوع ده ما فيش ناس تقعد تتخانق عليه ونبقى امين معكم الجمهور على ان ما فيش نساء نبيات. وهاقول لكم دليلهم ايه - [00:05:09](#)

وهناك القلة من العلماء ومن الفقهاء اللي قالوا ان هناك نساء نبيات. الجمهور يروا ان الاية الكريمة وما ارسلنا قبلك الا رجالاً نوحى اليهم. ودي كانت ثلاث مرات بنفس الصيغة دية. فيه وما ارسلنا من قبلك الا رجالاً نوح - [00:05:25](#)

اليهم فاسألوا اهل الذكر ان كنتم لا تعلمون قال لك ما دام ربنا بيقول ما ارسلنا قبلك الا رجالاً نوحى اليهم. ده دليل ان ما فيش نبيات. لأ ده دليل مش صحيح. ليه بقى - [00:05:44](#)

لان ربنا ما بيقولش ما نبأنا قبلك الا رجالاً. قال ما ارسلنا قبلك الا رجالاً. ارسل رسولا برسالة نبأ نبأ نبوءة خلي بالكم النبي غلي الرسول كل رسول نبي ومش كل نبي رسول - [00:05:59](#)

اي رسول في الدنيا هو نبي ايضاً ولكن كتير من الانبياء لم لم يصبحوا رسلاً القصة دي بقت طويلة وفيها كلام كتير وايه الفرق بين الرسول والنبي؟ الرسول اخذ رسالة وطلب منه يروح يبلغ الرسالة لقومه - [00:06:22](#)

معينين. اما النبي زي العالم كده عنده علم قاعد الناس بتيجي تسأله مش مطلوب منه لم يكلف بابلاغ الرسالة لقوم معينين آا احنا بتتكلم في نبوة مش بتتكلم في الرسالة. طب ليه ربنا ما ارسلش رسل آا سيدات عشان ده كان دي دي مهمة فيها بقى آا - [00:06:41](#)

فيها اعتداء وفيها آا مشاكل فيزيكال بقى. يعني احنا شفتنا الرسول عليه الصلاة والسلام اعتدوا عليه وضربوه وحطوا لحم الجذور. حطوا السقط بتاع الجذور يعني لما بيدبحوا الابل بينزل من بطنها وساخة ومصارين وبتاع حطوها على ظهره وهو ساجد - [00:07:05](#)

لغاية ما اغمى عليه فقد الوعي والسيدة فاطمة جت شال الدم عليه فربنا ما بيعرضش النساء لهذه المسائل ابداً. دي ممكن تخش في اكثر من كده. في في انبياء ذبحوا - [00:07:25](#)

يعني على فكرة يعني. فربنا مش هيعرض النساء لهذه المسألة. ابداً وانا اري ذلك. يعني انا انا اميل للرأي ان هناك نبيات. وارى ان ادلته قوية عموماً فصل المقال عشان بس نخلص ما فيش داعي تقعد تتخانق. الجمهور لا يرى ان هناك نساء نبيات والقلة ومنهم ابن حزم الظاهري - [00:07:37](#)

تري ان هناك عدة نبيات وليس فقط آا ام موسى وام السيد المسيح طيب ولقد مننا عليك مرة اخرى. ارجع بص معي ثاني في الاية سبعة وتلاتين اذ اوحينا الى امك ما يوحى. كالعادة من صغرك ربنا بيمن عليك بالرعاية والعناية. فهو الذي اوحى لامك - [00:07:57](#)

بالتالي او حالها ايه بقى؟ اقرا معي تسعة وتلاتين فيه في التابوت فاقدفيه في اليم فليقله اليم بالساحل يأخذه. عدو لي وعدو له القيت عليك محبة مني ولتصنع على عيني - [00:08:22](#)

لفت نظري كلمة اقذفيه جت مرتين اقذفيه في التابوت فاقدفيه في اليم. وبعد كده فليقله اليم بالساحل. ايه كمية القذف والالقاء دي يأخذه بعد كده عدو لي وعدو لأ ده انت تحس ان سيدنا موسى ضاع خلاص. ده ده اتقذف مرتين القى في اليم يعني كلمة يم يعني - [00:08:43](#)

البحر على فكرة بالعبري. فالقي في في البحر والقي في النهر الكبير. ها فليقله اليم بالساحل وبعد كده يأخذه عدو لي وعدو لربنا يعني انسان مجرم كافر مجرم في اجرامه وعدو له وعدو - [00:09:08](#)

اسرائيل كمان وعدو لموسى كمان يريد ان يدبجه تحس ان خلاص ضاع سيدنا موسى. طب ايه اللي انقذه والقيت عليك محبة مني ولتصنع على عيني. ياه! على الاية اللي مرة واحدة راحت قابلة - [00:09:23](#)

الى سلام بعد ما الاية كانت بتورك مشهد من العنف جاي انت متوقع عنف متوقع ان ان سيدنا موسى الطفل ده هيدبح دلوقتني اتقلب الاية مرة واحدة الى سلام بحت. بص - [00:09:39](#)

ان اقذفه في التابوت فاخذ فيه في اليم فليقله اليم بالساحل. يأخذه عدو لي وعدو له. والقيت عليك محبة مني ولتصنع على عيني قرآن بيشيل الواحد ويحطه. انا بحس اني بتمرجح مش مش بقرا قرآن. مش ممكن. يشيلك ويحطك - [00:09:58](#)

ارميه في صندوق وارميه في النهر والنهر هيرميه على الشاطئ واللي هياخده عدو لله فرعون رأس الكفر ورأس الظلم ورأس الاضطهاد اللي انت اصلا خيفة عليه منه انا هوديه عنده كمان. اكر من كده ايه بقى - [00:10:23](#)

بعد كل ده ينقذ سيدنا موسى والقيت عليك محبة مني كل المخاطر دي زالت بعناية ربنا كان سيذبح زي اطفال بني اسرائيل في السنة دي وكان سيغرق وده وضع طبيعي لرضيع بيلقى في نهر النيل ده نهر كبير جدا وعريض جدا وياما ناس غرقت فيه ده ده - [00:10:39](#)

في مراكب بسياح بتغرق في نهر النيل والسياح بيغرقوا بيموتوا. يعني احنا بنتكلم على نهر كبير ضخم وكلمة يم بالعبري يعني بحر وعليك الفلاحين احنا في الفلاحين عندنا راح على البحر. البحر ده مجرد آآ يعني آآ فرع كده من من النيل مسلا فرع رشيد او فرع آآ الله - [00:11:06](#)

آآ اسمه ايه الفرع الثاني المهم يعني الفرع بس من النيل بيتقال عليه بحر عندنا في في الفلاحين آآ طيب اذا كان ممكن يغرق وكان ممكن يقتل وكمان انتقدوه حرس فرعون وعارفين ان هو من بني اسرائيل عارفين ازاى ده بيبي صغير ايوة بس مختون - [00:11:30](#)

فممكن جدا يقوم باين ان هو من بني اسرائيل. هم اللي بيختنوا الاطفال. فرع دمياط. ماشي يا عم. شكرا كل هذه المخاطر زالت والقيت عليك محبة مني اتحدى يكون في حد مننا ما بيحبش سيدنا موسى - [00:11:56](#)

انا عايز اشوف حد ما بيحبش سيدنا موسى. كلنا بنحبه حتى اكثر من انبياء اخرين يعني مسلا انا حبي لسيدنا موسى اكبر من حبي لسيدنا يعقوب اكبر من حبي لسيدنا صالح. اكبر من حبي لسيدنا هود. ليه ما اعرفش - [00:12:15](#)

ما اعرفش سيدنا موسى بالنسبة لي مختلف عنهم. مع انه يعني اه مش النبي المباشر بتاعنا. زي سيدنا محمد عليه الصلاة والسلام ما احناش بندرس السنة بتاعته ولا عندنا الاحاديث بتاعته. طب ايه اللي خلانا نحبه اوي كده - [00:12:30](#)

غريبة شوية ها وبعدين نبي بني اسرائيل يعني تحس ان يعني في ممكن حاجز يعني مكنسن سيدنا صالح اقرب لنا سيدنا هود اقرب لنا عشان مش من ابائنا لا ابدا - [00:12:46](#)

والقيت عليك محبة مني يعني المهم وقع في قلب امرأة فرعون لما شافته بيبي صغير كده وقالت شف سورة القصص وقالت امرأة فرعون قرة عين لي ولك لا تقتلوه عسى ان ينفعنا او - [00:12:57](#)

اتخذه ولدا امرأة فرعون زي ما قلنا ايضا من النساء اللي يرى ابن حزم انهن آآ نبيات المهم انه بالحب ربنا حفز سيدنا موسى. وياه كمان بقى؟ ولتصنع على عيني - [00:13:18](#)

تم تربية سيدنا موسى؟ لأ تربية مين؟ تم صناعته ولتصنع على عيني اتصنع صناعة تحت عين ربنا على عيني يعني باشراف ربنا قال لامك ترميك في البحر. وما تخافش عليك - [00:13:32](#)

وقال لامك آآ انا هارجعه لي ثاني. اكر من كده ايه كمل بقى معي الاية اربعين. اذ تمشي اختك فتقول هل ادلكم على من يكفله رجعتك الى امك كي تقر عينها ولا تحزن - [00:13:54](#)

وقتل نفسا فنجيناك من الغم وفتناك فتونا سنين في اهل مدينة ثم جئت على قدري يا موسى اختك فضلت ماشية وتتبعك بعينيها وانت في النهر لغاية ما شافتك بيلتقطوك الحرس بتوع فرعون - [00:14:16](#)

وشافتك وتتبعك دنيتك بترفض المراضع. الستات اللي هترضع فقالت لهم تحبوا ادلكم على امرأة تتولى؟ فبالطريقة دي رجعت لامك يا موسى. ربنا بيحكى لسيدنا موسى خلي بالك حكايته وهو صغير - [00:14:43](#)

لان بالطريقة دي القصة بتاعة سيدنا موسى زي ما قلنا بدأت من النص بدأت منين؟ مش من اول ما اتولد لأ. بدأت في سورة طه من اول وهو راجع من عند سيدنا شعيب بابنة سيدنا شعيب زوجته. شاف نار وبدأت بالنبوة. بدأت ببداية النبوة - [00:14:59](#)

وبعدين فلاش باك في القصة للمشهد بتاعه وهو رضيع ويلقى في النهر عن طريق القرآن بيحكى ربنا بيحكى لسيدنا موسى الحكاية فانت بتجي لك الحكاية فلاش باك دلوقتي المهم رجع دلوقتي ايه لاه - [00:15:19](#)

فبأمر من قلب قصر فرعون رجع لاه اللي هو الامر صدر من نفس المكان ده بقتل اطفال بني اسرائيل. يعني هو المفروض كان سيدنا موسى يقتل بأمر من قلب قصر فرعون ثم بأمر من قصر فرعون يقول عاد الى امه وبطريقة قانونية هي دلوقتي لا تخاف عليه - [00:15:43](#)

عيني عينك قدام الحكومة رجعت رجعتك تعيش مع امك يا موسى. مش ممكن الكلام الحقيقة قعد فترة الرضاعة مع امه وبعدها رجع بقى على قصف فرعون وكبر في قصر فرعون - [00:16:09](#)

وبعدها قتلت واحد. مم. وقتلت نفسا فنجيناك من الغم. كان هيبقى غم. وقتل نفس. ومصر بلد فيها قانون في الوقت ده. فطبعاً بقى فيه محاكمة وفيه سجن وفيه ممكن يعدم كمان - [00:16:25](#)

واضح ان البلد ما كتش بايظة ما كتش هايصة لانه ده يعني متربي في قصر فرعون بس مش من حقه يقتل حد آآ طبعاً القصة احنا هناخدنا بعدين في سورة القصص اللي هو لما دخل لقي واحد اسرائيلي آآ واحد تاني مصري بيضطهده ويبضربه فيدافع عنه - [00:16:41](#)

غصب عنه يزهر اتزق زقة جامدة شوية وسيدنا موسى كان قوي. الراجل وقع بيدو ايه وراسه جت في حاجة. المهم الراجل مات سيدنا موسى ما كانش يقصد انه يقتله اه وبعدها قتلت واحد وكان ممكن تعاقب لكني نجيتك منهم. نجيتك من الغم. نجيتك من العقوبة. وقتناك فتونا. فيه حديس طويل في ابن كثير - [00:16:58](#)

اسمه حديث الفتون عن كم الفتن والاختبارات اللي مر فيها سيدنا موسى ومنها ان هو اضطر يهرب وقعد سنين في اهل مدين بعد ما يتزوج بنت سيدنا شعيب طبعاً قصة زواج وهنأته بس هي مش جاية في سورة في سورة طه. هتيجي بعدين. في آآ سورة اخرى - [00:17:21](#)

وادي امتي؟ هنا جيت دلوقتي بقدر من ربنا. ثم جئت على قدري يا موسى. فتحس ان القرآن راح ملفك وجايبك تاني في اللحظة اللي ابتدينا منها. يعني احنا ابتدينا في سورة طه من اول ما هو شاف النار وبعد كده بداية النبوة وبعدين - [00:17:42](#)

اشباك جابه من اول ما كان رضيع والقي في النهر واخدوه ورجع لاه ازاى واتربى في بيت فرعون ازاى وبعد كده قتل واحد وبعد كده هرب وبعدين راحت الاية ملففانا وجايبينها تاني في نفس المكان دلوقتي وهو بياخد الايه الاوامر بالنبوة والمهمة بتاعته ثم جئت على قدري يا موسى - [00:18:02](#)

وادي انت جيت دلوقتي هنا بقدر من ربنا. مش بالصدفة مش ممكن الصورة مش ممكن. طيب احنا دلوقتي واقفين مع سيدنا موسى عند النار وهو بيكلم ربنا والحوار اخذ جولة ورجعنا لورا فلاش باك وراح راجع بنا تاني. طيب - [00:18:22](#)

ثم جئت على قدري يا موسى انت ما جتتش هنا صدفة انت جيت بقدر ربنا لتتلقى الرسالة وتحمل ويعني وتحمل بعبء القيام بهذه المهمة الفارقة في تاريخ البشرية. احنا قدام موقف من اكبر المواقف في تاريخ البشرية - [00:18:42](#)

واصطنعتك لنفسك عملتاك علشان ربنا صنع سيدنا موسى صناعي. يعني هو بداية تعامل ربنا مع سيدنا موسى مش من بداية النبوة. لا. ربنا صنعه على عينه من اول ما كان رضي - [00:19:00](#)

لذلك شخصية سيدنا موسى وده قلناه في اول سورة طه ايه اللي يخلي سيدنا موسى اصلاً يقرر يرجع بلده وهو محكوم عليه فيها بالاعدام. ليه الا لو كان راجل شجاع مش قادر يسبب آآ امه اكثر من كده ومش قادر يسبب قومه بيضطهدوا اكثر من كده وراجع

لكن ما كانش في دماغه انه رايج يواجه فرعون بنفسه يعني. لكن الراجل شجاع. وراجع وبيخاطر فدي صناعة ربنا. واصطنعتك لنفسى. عملتك علشانى. حياتك بقى هتكون لله. لنفسى لله. للقيام - 00:19:39

الدعوة فيه ناس كتير حياتهم بتكون لله. وليس لهم هم هذا مش خاص بس سيدنا موسى على فكرة. النبي محمد عليه الصلاة والسلام حياته كانت كلها لله. سيدنا ابراهيم ودرسنا قصته حياته كانت لله. نوح كانت حياته لله. كتير جدا - 00:19:56

وهناك دعاة وهبوا حياتهم لله. لكن سيدنا موسى ربنا صنعه صناعة. واصطنعتك معناه ايه بقى معناه انه موفق انه بيشوف بنور الله بيسمع بنور الله. كل حاجة بيعملها موفق فيها. بصوا الحديث القدسي - 00:20:10

من عادى لي وليا فقد اذنته بالحرب. ربنا بيقول ان اللي هيحارب ولي من اوليائه اللي يعاديه انا هحاربه طب نبقى ازاى من اولياء ربنا وما تقرب لي عبيد بشيء احب الي مما افترضته عليه. نتقرب الى الله بالفرائض - 00:20:33

الفرائض اللي ربنا قال لنا عليها لما نؤديها بطريقة صحيحة وسليمة وبجمع قلب وبخشوع وبتدبر. ده اكثر حاجة ربنا بيحبها ها طب ازاى نقرب اكثر وما زال عبيد يتقرب الي بالنوافل حتى احبه - 00:20:54

عبد يفضل يتقرب لي بالنوافل يعمل النوافل يصوم اتنين وخميس من غير ما يروح يقول للناس انا صايم ويقعد يتمنظر عليهم يروح ياه يصلي في بيته وهو قافل على نفسه مش عمال يتمنظر بصلاة النافلة قدام الناس. طيب. وما زال عبيد يتقرب الي بالنوافل حتى احبه. فاذا احببته - 00:21:14

اذا ربنا حب انسان كنت سمعه الذي يسمع به وبصره الذي يبصر به ويده التي يبطش بها وقدمه التي يمشي بها واذا سألني لاعطينه واذا استغفرت لاغفره لاغفرن له واذا استعاذني لاعيذنه - 00:21:39

واصطنعتك لنفسى ربنا جعله موفق وموصول بالله يرى ويسمع بنور الله ارجع كده لاية تلتاشر. ارجع كده لاية تلتاشر سورة طه وانا اخترتك فاستمع وانا اخترتك وهنا واصطنعتك لنفسى ايه ده - 00:22:00

ازاي سيدنا موسى تحمل الكلام ده ما تارش من الفرحة انت متخيل رب العالمين يكلم بني ادم ويقول له انا اخترتك وهنا يقول له واصطنعتك لنفسى! ده لما صاحب شركة ينتقي موظفيه كويس - 00:22:20

ثم يختار منهم واحد ويعلمه ويدربه تدريب خاص عشان يوكل له المهام الصعبة ده شرف كبير ومسؤولية كبيرة اشحال بقى سيدنا موسى الحقيقة يعني يعني هذه الصورة شرفته تشریف كبير - 00:22:35

وبعدين الاية اتنين واربعين يلا الاية اتنين واربعين الساعة صفر. صدر الامر ببدء المهمة اذهب انت واخوك باياتي ولا تنيا في ذكرى. اذهب الى فرعون انه طغى خلاص بقى نزلت الاوامر. اطلع انت واخوك دلوقتي بالمعجزات بتاعتي باياتي - 00:22:53

اياتي هنا معناها المعجزات اللي ربنا اداها له. اليد اللي بتبقى بيضا العصاية اللي بتتقلب ثعبان. وهتعلم حاجات تانية برضو لسه دي نقطة بقى مهمة اوي. كتير بقى يخدو على الاسلام ان في خرافات في الاسلام ليه اصل عندهم حاجات مش علمية والعقل لا يقبلها بالعكس - 00:23:13

العقل يقبلها. يقبلها ازاى؟ دي حاجات خوارق للطبيعة صحيح العقل لا يقبل ان سيدنا موسى يقلب العصاية ثعبان. ده حقيقي. وما حصلش ان سيدنا موسى قلب عصاية ثعبان عشان تبقوا عارفين. ما حصلش ان سيدنا عيسى عمل اي معجزة - 00:23:33

المعجزة بيعملها ربنا بايد النبي. خالق قوانين الطبيعة هو الذي يستطيع ان يخرق قوانين الطبيعة ده بنفهمه كده الحكام دوت. هذه المعجزات يصنعها الله بيد انبيائه. اما الانبياء نفسهم فهم بشر لا يملكون خرق قوانين الطبيعة - 00:23:47

ولا تنيا في ذكرى ما تتوانوش في ذكرى ما تكسلوش في ذكرى. يعني ابدلوا قصارى جهدكم في ذكرى. يعني خليكم متواصلين معي باستمرار. انتم رايعين دلوقتي تواجهوا فرعون خليكم متواصلين. ليه؟ الواحد طول ما هو بيذكر ربنا - 00:24:07

هو حاطط الفيشة وبيستمد قوة الكهرباء مشغلاه. اول ما الواحد يقوم شادد الفيشة من الكهرباء مم خلاص وقفت المكنة ما تشدش الفيشة من الكهرباء. امال ايه افضل حاطط الفيشة ازاى؟ تحط الفيشة بذكر ربنا. اياك ده احنا الطبيعة عندنا - 00:24:30

اذكار الصباح اذكار المساء بنقف نصلي ده ذكر. بنقرا القرآن ده ذكر. بنختم الصلاة ذكر. ليه مطلوب مننا الكلام دوت؟ عشان نفضل في حالة من التواصل مستمر يستمد الطاقة دي من ربنا - [00:24:54](#)

خليكم واصلين اذهبا الى فرعون انه طغى. روحوا لفرعون لانه زودها طغى بمعنى الزيادة عن الحد وطفى بمعنى الزلم الشديد.

فرعون بقى زودها في الزلم الشديد كمان. ادعى اللوهية كمان. اكثر من كده في سورة النازعات - [00:25:06](#)

ربنا بيقول هل اتاك حديث موسى اذ ناداه ربه بالوادي المقدس طوى اذهب الى فرعون انه طغى فقل هل لك الى ان تزكى واهدك

الى ربك فتخشى فاراه الاية الكبرى اللي هي العصا. فكذب - [00:25:25](#)

شف فاراه الاية الكبرى ييجي في مخرج اختك ايه؟ العصا. فكذب وعصى. ثم ادبر يسعى فحشر يا ندى قال انا ربكم الاعلى. شوفوا

المجرم مجرم ده ادعى اللوهية. وقال للناس انا ربكم الاعلى. ربنا طلب ايه من سيدنا موسى وهارون بقى؟ اقرا معي الاية اربعة

واربعين - [00:25:45](#)

فقولوا له قولنا لينا لعله يتذكر او يخشى تخيلوا واحد بيقول انا ربكم الاعلى ربنا يرسل له اتنين انبيا ويوصيهم يكلموه باللين لعله

يتذكر او يخشى. اومال اللي بيحط في الارض وبقول سبحان ربي الاعلى ربنا هيعامله ازاي - [00:26:11](#)

ربنا رحيم. ربنا كريم. ربنا ودود. ربنا بيدي فرصة واتنين وتلاتة وعشرة ومية والف الامر الثاني بقى هو ان ده فيه درس للدعاء وهو الا

يأسوا من هداية احد يعني ده واحد مدعي الوهية وبيقول انا ربكم الاعلى وبيقتل العيال الصغيرة حاجة مش ممكن. فربنا بيقول

لسيدنا موسى وهارون روحوا ادعوا للاسلام - [00:26:34](#)

معقول ده ممكن يسلم يعني؟ ده يعني؟ اه ليس عليك هدايم. ولكن الله يهدي من يشاء. يبقى الدعاء لا يجب ان ييأسوا من هداية اي

حد الدرس التالت هو ان الدعوة تكون باللين - [00:27:04](#)

ولا تكون بالغلظة ولا بالفضاظة تقولا له قولنا لينا لعله يتذكر او يخشى. زي ما قال لسيدنا محمد عليه الصلاة والسلام فيما رحمة من الله

لنت لهم ولو كنت فظا غليظ القلب لانفضوا من حولك. وجزاكم الله خيرا وبارك الله فيكم ونراكم غدا باذن الله. اسأل الله العلي العظيم

- [00:27:22](#)

ان يجعل هذا التدبر في ميزاني وميزانكم اللهم انك تعلم ان هذه القلوب قد اجتمعت على كتابك واجتمعت على محبتك والتقت يا

ربنا على طاعتك وتوحدت على دعوتك وتعاهدت على - [00:27:47](#)

نصرة شريعتك فوثق اللهم رابطتها وادم ودها واهدها سبلها. واملأها بنورك الذي لا يخبو واشرح بفيض الايمان بك وجميل التوكل

عليك واحيها بمعرفتك. وامتها على الشهادة في سبيلك انك نعم المولى ونعم النصير - [00:28:03](#)

السلام عليكم ورحمة الله ونراكم غدا باذن الله - [00:28:23](#)